

STATUT

STRANKE ZA BOSNU I HERCEGOVINU

13. april, 1996.
12. april, 2003.

Na osnivačkoj Skupštini održanoj 13.aprila 1996. godine u Sarajevu, usvojen je Statut Stranke za Bosnu i Hercegovinu.

Na osnovu člana 43. Statuta Stranke za Bosnu i Hercegovinu Izvršna komisija Stranke za Bosnu i Hercegovinu, na sjednici od 18. maja 1999. godine donijela je Statutarnu odluku o sastavu i načinu izbora opštinskih savjeta Stranke za Bosnu i Hercegovinu.

Na osnovu člana 76. Statuta Stranke za Bosnu i Hercegovinu na sjednici održanoj 12. 4. 2001. godine Skupština S BiH donijela je Odluku o izmjenama i dopunama Statuta Stranke za Bosnu i Hercegovinu.

Na osnovu člana 76. Statuta Stranke za Bosnu i Hercegovinu, Skupština Stranke za Bosnu i Hercegovinu na sjednici održanoj 20.9.2001. godine donijela je Odluku o izmjenama i dopunama Statuta Stranke za Bosnu i Hercegovinu.

Na sjednici Skupštine Stranke za Bosnu i Hercegovinu održanoj 12.4.2003. godine na prijedlog Predsjedništva S BiH, donesen je PREČIŠĆENI TEKST STATUTA za Bosnu i Hercegovinu.

STATUT

STRANKE ZA BOSNU I HERCEGOVINU (PREČIŠĆENI TEKST)

OSNOVNE ODREDBE

Član 1.

Stranka za Bosnu i Hercegovinu je jedinstvena politička organizacija koja djeluje na teritoriji Bosne i Hercegovine.

Skraćeni naziv Stranke za Bosnu i Hercegovinu je SBiH.

Član 2.

Sjedište SBiH je u Sarajevu, ul. M.Tita 9a.

Član 3.

Svoje političko djelovanje SBiH će usmjeriti na ostvarivanje ciljeva utvrđenih Programskom orijentacijom, a naročito na:

- očuvanje, učvršćenje i dalje jačanje suvereniteta, političke nezavisnosti i teritorijalnog integriteta Bosne i Hercegovine;
- izgradnju demokratskog sistema vlasti, kao jedino prihvatljivog u višenacionalnoj Bosni i Hercegovini;
- afirmisanje Bosne i Hercegovine, kao države u kojoj će svima biti zajamčena sloboda, jednakost, pravednost, mir, sigurnost i svaka druga ljudska prava i slobode utvrđene Ustavom i međunarodnim aktima;
- ostvarivanje ideje da slobodna i demokratska Bosna i Hercegovina pripada njenim građanima – Bosancima i Hercegovcima, čija prošlost, sadašnjost i budućnost je vezana za sudbinu njihove domovine;
- razvijanje prosperitetne tržišne ekonomije, uz punu zaštitu vlasničkih prava i jedinstvenog ekonomskog prostora i zaštite državnih resursa;
- postizanje socijalne sigurnosti građana uspostavljanjem odgovarajućih prava na zdravstvenu zaštitu, školovanje, radno-pravnu, penzijsku i invalidsku zaštitu i druge oblike zaštite i materijalnog obezbjeđenja djece, starih ili iznemoglih osoba;
- otklanjanje posljedica rata razvijanjem povjerenja među narodima, garantovanje, nezastarivog prava na povratak prognanih, kažnjavanjem zločina protiv međunarodnog ratnog i humanitarnog prava i ekonomskom obnovom i rekonstrukcijom zemlje;
- izgrađivanje odnosa Bosne i Hercegovine sa svim drugim demokratskim državama i međunarodnim organizacijama, uz uzajamno poštivanje suvereniteta i jednakosti, na principima Povelje Ujedinjenih naroda i međunarodnog pravnog poretka;
- stvaranje uvjeta da mlada generacija preuzme odgovornost za sudbinu Bosne i Hercegovine, kako bi njen razvoj odredila prema mjeri svojih vizija budućnosti, mira i opšteg prosperiteta zemlje.
- ulazak u Evropsku uniju i Euro-atlanske asocijacije.

Član 4.

Svoje ciljeve S BiH ostvaruje učešćem u predizbornim i izbornim postupcima za lokalne, kantonalne, regionalne, entitetske i državne zakonodavne i druge organe u Bosni i Hercegovini: učešćem u vlasti ili zakonitim djelovanjem u opoziciji, kao i kroz druge oblike i načine političkog djelovanja, u skladu sa Ustavom i Zakonom.

Član 5.

S BiH ima svoj znak i zastavu, čiji oblik i sadržaj se uređuje posebnom odlukom nadležnog organa S BiH.

Član 6.

Pečat SBiH je okruglog oblika sa punim nazivom političke organizacije i znakom u sredini.

Odlukom nadležnog organa SBiH bliže se uređuje način korištenja i čuvanje pečata.

UNUTRAŠNJA ORGANIZACIJA

Opšte odredbe

Član 7.

Unutrašnja organizacija SBiH uspostavlja se na principima:

- organizacionog jedinstva;
- višestepenog organizovanja;
- formiranja organizacionih oblika na teritorijalnom principu
- demokratske organizacije koja omogućava puno učešće članova u utvrđivanju i sprovođenju politike SBiH.

Član 8.

Organi SBiH obrazuju se kao središnji, regionalni, odnosno kantonalni organi i opštinski, odnosno gradski organi kao i organi SBiH u Brčko Distriktu BiH.

Član 9.

Središnji organi ostvaruju svoja prava i dužnosti utvrđene ovim Statutom, na cijeloj teritoriji Bosne i Hercegovine.

Regionalni, odnosno kantonalni organi, opštinski i gradski organi SBiH ostvaruju prava i dužnosti utvrđene ovim Statutom, na području za koje su obrazovani.

Odluku o obrazovanju opštinskih, odnosno gradskih organizacija i organa i regionalnih i kantonalnih organa SBiH, donosi nadležni središnji organ SBiH, u skladu sa ovim Statutom.

Član 10.

Organi SBiH biraju se tajnim glasanjem iz reda više kandidata od broja koji se bira, sa mandatom od četiri godine, ako ovim Statutom nije drukčije određeno.

Član 11.

Svaki član SBiH ima pravo da bira i da bude biran u organe SBiH.

Pri kandidovanju kandidata u organe Strane vodiće se računa o nacionalnoj, polnoj, regionalnoj kao i odgovarajućoj zastupljenosti mladih.

Član 12.

Organi SBiH, u okviru nadležnosti utvrđenih Statutom, bliže uređuju način organizovanja u SBiH i način ostvarivanja prava, dužnosti i odgovornosti organa SBiH.

Organiziranje u opštini i gradu

Član 13.

Za područje opštine obrazuje se opštinska organizacija SBiH.

U sastavu opštinske organizacije mogu se obrazovati ogranci / odbori za pojedine dijelove opštine, mjesne zajednice, gradske četvrti, sela i sl.

Opštinskoj organizaciji organizaciono pripadaju svi članovi SBiH koji imaju prebivalište na području opštine.

Član 14.

Opštinske organizacije vrše prava i dužnosti utvrđene ovim Statutom i odlukom o njihovim obrazovanju.

Nadležni organ opštinske organizacije može bliže urediti pojedina organizaciona pitanja, u skladu sa ovim Statutom.

Član 15.

U gradovima sa više opština može se obrazovati gradska organizacija SBiH.

ORGANI STRANKE U OPĆINI

Član 16.

Općinski savjet Stranke sastoji se od 15 – 31 člana.

Odluku o broju članova općinskog savjeta donosi općinska skupština Stranke.

Član 17.

Članove općinskog savjeta Stranke bira, tajnim glasanjem, općinska skupština Stranke, kojoj je potrebno da prisustvuje najmanje 100 (stotinu) članova Stranke.

Općinski savjet SBiH će se konstituisati u roku od 15 dana od dana izborne skupštine općinske organizacije.

Član 18.

Predsjednika i potpredsjednike općinskog savjeta Stranke bira tajnim glasanjem općinski savjet iz reda svojih članova.

Opštinski savjet podnosi izvještaj o svome radu i o stanju opštinskoj organizaciji SBiH kao i finansijski izvještaj kantonalnom vijeću na kraju svake godine.

ORGANIZIRANJE NA REGIONALNOM I KANTONALNOM NIVOU

Član 19.

Na regionalnom i kantonalnom nivou obrazuju se regionalna, odnosno kantonalna vijeća SBiH.

Za područje Brčko Distrikta BiH obrazuje se Vijeće SBiH

Odlukom o obrazovanju regionalnog, odnosno kantonalnog vijeća određuje se područje za koje je to vijeće nadležno.

Odlukom iz prethodnog stava određuje se sjedište regionalnog, odnosno kantonalnog vijeća i druga pitanja od značaja za njihovu organizaciju i djelovanje.

KANTONALNI I REGIONALNI ORGANI

Član 20.

Kantonalno odnosno regionalno vijeće S BiH broji od 15 – 35 članova.

Član 21.

U kantonalno vijeće delegati se biraju iz općinskih savjeta S BiH na području kantona odnosno regije u skladu sa kriterijima i brojem utvrđenim posebnom odlukom za svaki kanton odnosno regiju koju donosi Izvršna komisija S BiH.

Član kantonalnog vijeća ima pravo i obavezu da ravnopravno učestvuje u radu opštinskog savjeta iz kojeg je delegiran u kantonalno vijeće.

Član 22.

Izbor delegata u kantonalno odnosno regionalno vijeće iz opštinskih savjeta vrši se tajnim glasanjem.

Pri izboru delegata posebno će se voditi računa o zastupljenosti mladih te odgovarajućoj nacionalnoj i polnoj zastupljenosti članstva u općinskoj organizaciji.

Član 23.

Mandat članova kantonalnog i regionalnog vijeća traje četiri godine, osim u slučajevima:

- smrti člana,
- napuštanja S BiH,
- opoziva iz kantonalnog vijeća,
- isključenja iz S BiH,
- brisanja iz članstva S BiH,
- ako Izvršna komisija S BiH donese odluku da se suspendira kantonalno vijeće ili da se provedu novi izbori za kantonalno vijeće.

Član vijeća može biti biran u dva navrata u kontinuiranom periodu.

Član 24.

Kantonalno i regionalno vijeće S BiH na konstituirajućoj sjednici bira predsjednika i potpredsjednike većinom glasova iz reda članova vijeća.

Izbor predsjednika i potpredsjednika vrši se tajnim glasanjem.

Član 25.

Kantonalno i regionalno vijeće S BiH:

- razmatra pitanja od značaja za organizovanje i funkcionisanje opštinskih organizacija i opštinskih savjeta S BiH na području kantona, odnosno regije (izborne jedinice)
- organizuje političke akcije od značaja za kanton ili regiju (izbornu jedinicu)

- utvrđuje planove aktivnosti za sprovođenje generalne politike SBiH na području kantona ili regije (izborne jedinice)
- bira predsjednika i potpredsjednike vijeća,
- predlaže kandidate za izbore zastupnika u odgovarajuće organe vlasti,
- kandiduje članove Izvršne komisije SBiH iz kantonalnog odnosno regionalnog vijeća,
- organizuje i realizuje finansiranje rada vijeća i utvrđuje izvore finansiranja, donosi finansijske planove i usvaja izvještaje o finansijskom poslovanju.

Kantonalno odnosno regionalno vijeće SBiH odluke donosi većinom glasova prisutnih članova.

Odluke se mogu donositi i tajnim glasanjem ako se o tome prethodno izjasni kantonalno odnosno regionalno vijeće.

Član 26.

Kantonalno odnosno regionalno vijeće SBiH može prema potrebi osnovati sljedeće savjete:

1. Savjet za ekonomska pitanja i privredni razvoj
2. Pravni savjet,
3. Savjet za pitanja zdravstva
4. Savjet za pitanja obrazovanja
5. Savjet za socijalna i druga statusna pitanja
6. Savjet za pitanja kulture i sporta
7. Savjet za statusna pitanja, statutarna pitanja i kadrovsku politiku

Vijeće može po potrebi organizovati komisije radi obavljanja određenih poslova koji nisu trajnog karaktera.

Član 27.

U radu vijeća mogu učestvovati predsjednici opštinskih savjeta SBiH po pozivu predsjednika vijeća, bez prava odlučivanja.

Član 28.

Vijeće podnosi izvještaj o svom radu na kraju svake kalendarske godine Izvršnoj komisiji SBiH.

Član 29.

Vijeće SBiH predstavlja predsjednik kantonalnog odnosno regionalnog vijeća.

Član 30.

Sjedište kantonalnog odnosno regionalnog vijeća SBiH određuje svojom odlukom Vijeće.

Član 31.

Vijeće SBiH ima svoj žiro račun kod odgovarajuće poslovne banke.

Član 32.

Vijeće SBiH ima pravo sticati finansijska sredstva ili poklone u skladu sa zakonom i drugim propisom.

Član 33.

Rad vijeća SBiH je javan. Izuzetno Vijeće ima pravo o određenim pitanjima uskratiti informacije javnosti, a sjednicu držati zatvorenom za javnost.

Član 34.

Vijeće SBiH ima pravo i dužnost surađivati sa drugim vijećima SBiH, sa organima i tijelima SBiH, a u skladu sa političkim stavovima SBiH surađivati sa organima drugih političkih partija na području BiH i van BiH.

Član 35.

Vijeće SBiH pokreće postupak za utvrđivanje odgovornosti članova, funkcionera, i organa na općinskom, kantonalnom, ili regionalnom nivou. Izuzetno, može dati i inicijativu za utvrđivanje odgovornosti za članove, funkcionere i organe na nivou SBiH.

Inicijativa iz prethodnog stava se pokreće u pisanoj formi sa odgovarajućim obrazloženjem pred nadležnim organom SBiH u skladu sa Statutom SBiH i Pravilima Suda časti SBiH.

Član 36.

Odluka o Inicijativi za pokretanje postupka iz predhodne tačke se utvrđuje na sjednici vijeća većinom glasova prisutnih članova.

Član 37.

Mjere odgovornosti koje utvrdi Sud časti SBiH, obavezne su za kantonalno odnosno regionalno vijeće SBiH.

Gradski i opštinski organi SBiH

Član 38.

Gradskom odnosno opštinskom organizacijom rukovodi gradski, odnosno opštinski savjet SBiH, koga čine od 15 do 31 člana.

Gradski, odnosno opštinski savjet SBiH biraju članovi SBiH sa područja grada, odnosno opštine, na način utvrđen odlukom Izvršne komisije SBiH.

Član 39.

Gradski, odnosno opštinski savjet SBiH organizuje djelovanje SBiH na području grada, odnosno opštine, stara se o sprovođenju generalne politike i odluka središnjih i regionalnih, odnosno kantonalnih organa, donosi programe i planove djelovanja gradske odnosno opštinske organizacije, razmatra politička pitanja od značaja za grad, odnosno opštinu, bira predsjednika savjeta i vrši druga prava i dužnosti u skladu sa statutom i odlukama središnjih i regionalnih, odnosno kantonalnih organa SBiH.

Ostali oblici organiziranja

Član 40.

Za dio opštine, opštinu, više opština, regiju, kanton ili više regija, odnosno kantona, mogu se obrazovati stalni ili povremeni odbori, komisije, savjeti i drugi posebni oblici, u okviru kojih članovi SBiH ostvaruju djelovanje, saglasno Statutu.

Član 41.

Posebni oblici, iz prethodnog člana, obrazuju se naročito redi realizovanja aktivnosti i povezivanja članova u određenim oblastima (nauka, kultura, obrazovanje, zdravstvo idr.).

Član 42.

SBiH može obrazovati organizacione oblike u drugim zemljama, uzimajući u obzir propis zemlje u kojoj se takvi organizacioni oblici uspostavljaju.

ORGANI SBIH KONVENCIJA STRANKE

Član 43.

Konvencija SBiH je forum sa najvišim statutarnim kompetencijama.

U radu konvencije punopravno učestvuju članovi Skupštine SBiH, članovi Izvršne komisije, članovi Predsjedništva SBiH, predsjednici kantonalnih i regionalnih vijeća Stranke, predsjednici opštinskih savjeta Stranke, po tri predstavnika izabrana u svakom kantonalnom i regionalnom vijeću stranke, po dva predstavnika izabrana u svakom opštinskom savjetu stranke i najmanje 30 istaknutih članova SBiH koje na prijedlog Predsjedništva SBiH odredi Izvršna komisija.

Član 44.

Konvenciju saziva i njenim radom rukovodi Predsjedništvo stranke.

Konvencija se u pravilu saziva radi utvrđivanja izbornog programa stranke.

Konvencija se obavezno saziva ako to zatraži Skupština stranke, Izvršna komisija ili najmanje pet kantonalnih, odnosno regionalnih vijeća stranke.

Član 45.

U toku zasjedanja konvencija ima sva ovlaštenja koja su ovim Statutom utvrđena za Skupštinu stranke.

Svoje odluke Konvencija donosi većinom prisutnih članova.

Konvencija donosi pravila kojim bliže uređuje svoj način rada i postupak odlučivanja.

**Središnji organi SBIH
Skupština SBIH**

Član 46.

Skupština SBiH je najviši organ SBiH, koji ima prava i dužnosti utvrđene ovim Statutom, a naročito da:

- odlučuje o promjeni Statuta SBiH;
- donosi programsku orijentaciju i program SBiH;
- odlučuje o statusnim pitanjima SBiH;
- utvrđuje generalnu politiku SBiH;
- bira i razrješava organe SBiH, ako Statutom nije drukčije utvrđeno;
- razmatra izvještaje o radu SBiH;
- odlučuje o drugim pitanjima koja su Statutom stavljena u nadležnost Skupštine.

Član 47.

Skupštinu čine po jedan delegat izabran u svakoj opštinskoj, gradskoj, kantonalnoj i regionalnoj organizaciji, predsjednici opštinskih, regionalnih i kantonalnih organa SBiH. Kao i delegat i predsjednik organizacije Brčko Distrikta BiH.

Status delegata Skupštine sa pravom da biraju i da budu birani, imaju članovi Predsjedništva SBiH i članovi Izvršne komisije SBiH.

Član 48.

Skupština može punovažno odlučivati ako sjednici prisustvuje više od polovine broja delegata Skupština.

Predsjedništvo SBIH

Član 49.

Predsjedništvo SBiH bira i razrješava Skupština većinom prisutnih delegata Skupštine.

Član 50.

Predsjedništvo SBiH je izvršno-politički organ SBiH i broji 11 članova.

Devet članova Predsjedništva bira Skupština SBiH tajnim glasanjem sa liste kandidata koja u pravilu sadrži dvostruko više kandidata od broja koji se bira.

Predsjednik Izvršne komisije i generalni sekretar su po položaju članovi Predsjedništva.

U sastavu Predsjedništva osigurat će se odgovarajući nacionalni balans na način da u slučaju potrebe u predsjedništvo ulaze i dva člana iz reda drugih konstitutivnih naroda koji su dobili najviše glasova računajući od broja utvrđenog u stavu dva ovog člana pri čemu samo u tom slučaju Predsjedništvo broji 13 članova.

Član 51.

Mandat članova Predsjedništva je četiri (4) godine.

Ukoliko nekome od članova Predsjedništva iz bilo kojih razloga prestane članstvo u Predsjedništvu prije isteka mandata Predsjedništva, izbor novog člana Predsjedništva vrši se na način i po postupku za izbor članova Predsjedništva SBiH.

Mandat novog člana Predsjedništva se nastavlja i traje do isteka mandata Predsjedništva SBiH.

Član 52.

Predsjedništvo iz reda svojih članova bira predsjednika Predsjedništva i dva potpredsjednika.

Predsjednik Predsjedništva predstavlja SBiH i vrši druga prava i odgovornosti u skladu sa ovim Statutom, Poslovníkom o radu i odlukama Predsjedništva.

Potpredsjednici pomažu u radu predsjedniku, po potrebi ga zamjenjuju i vrše druge poslove u skladu sa Statutom, poslovníkom i odlukama Predsjedništva.

Član 53.

Predsjedništvo donosi Poslovník o svome radu.

Poslovníkom se pored ostalih pitanja, utvrđuju pitanja unutrašnje organizacije Predsjedništva, način rada i odlučivanja, sazivanje sjednica i druga pitanja od značaja za ostvarivanje uloge Predsjedništva.

Član 54.

Predsjedništvo predstavlja i zastupa Stranku i vrši druga prava i dužnosti utvrđene ovim Statutom, a naročito:

- predlaže programsku orijentaciju i generalnu politiku SBiH i stara se o njenom provođenju,
- preduzima mjere za unapređenje organizacije SBiH;
- usklađuje rad svih oblika organizovanja i rad organa Stranke;
- daje obavezne upute i smjernice opštinskim, gradskim, regionalnim i kantonalnim organima u vezi sa provođenjem generalne politike SBiH i izvršavanja odluka središnjih organa SBiH,
- saziva sjednice Skupštine i predsjedava Skupštini,
- utvrđuje prijedloge odluka i drugih akata koje donosi skupština i stara se o njihovom provođenju,
- odlučuje o finansijskom poslovanju SBiH,
- odlučuje o načinu vršenja stručnih i drugih poslova i o obrazovanju stručnih i drugih službi,
- pri izboru organa i tijela SBiH vrši ulogu kandidacionog tijela i podnosioca prijedloga,
- ostvaruje saradnju sa drugim organima i tijelima i međunarodnu saradnju,
- vrši i druga prava i dužnosti u skladu sa ovim Statutom i odlukama Skupštine SBiH.

Član 55.

Predsjedništvo za svoj rad odgovara Skupštini u skladu sa ovim Statutom.

Izvršna komisija SBiH

Član 56.

Izvršnu komisiju SBiH čine 35 članova koje bira i razrješava Skupština na prijedlog Predsjedništva SBiH.

Iz reda izabраниh članova iz prethodnog stava Izvršna komisija bira predsjednika I.K. .

Predsjednici kantonalnih odnosno regionalnih vijeća kao i vijeća Brčko Distrikta BiH su po funkciji članovi Izvršne komisije.

Član 57.

Izvršna komisija vrši prava i dužnosti utvrđene Statutom i odlukama Skupštine, a naročito:

- razmatra politička pitanja i utvrđuje stavove u skladu sa programskim ciljevima i generalnom politikom SBiH;
- odlučuje o obrazovanju i raspuštanju opštinskih, gradskih, regionalnih i drugih organa i organizacionih oblika SBiH;
- usvaja izvještaj o finansijskom poslovanju i završni račun SBiH,
- utvrđuje planove aktivnosti, radi sprovođenja programske orijentacije i generalne politike SBiH od strane opštinskih, regionalnih, kantonalnih i drugih oblika djelovanja SBiH i utvrđuje smjernice za njihov rad;
- obrazuje radna tijela za pojedine oblasti političkog djelovanja;
- vrši druge poslove, u skladu sa Statutom i odlukama Skupštine;.

Član 58.

Izvršna komisija, iz reda svojih članova, bira generalnog sekretara.

Generalni sekretar preuzima operativne mjera na izvršavanju odluka središnjih organa SBiH, stara se o zakonitosti rada SBiH, naredbodavac je i odgovoran za korištenje sredstava SBiH, neposredno rukovodi stručnim službama SBiH i vrši druge poslove koje mu povjere središnji organi S BiH.

Sud časti

Član 59.

U Stranci za BiH osniva se Sud časti.

Sud časti osniva se na nivou Stranke za BiH i ima predsjednika i deset članova.

Sjedište Suda časti je u Sarajevu u službenim prostorijama središnjeg ureda Stranke SBiH.

Član 60.

Sud časti odlučuje o odgovornosti članova i funkcionera SBiH ako postoje osnovane pretpostavke odnosno dokazi da su ozbiljno povrijedili Statut, da ne izvršavaju preuzete obaveze, ili da postupaju suprotno programskoj orijentaciji i generalnoj politici SBiH, ili ako su na taj način narušili ugled SBiH.

Član 61.

Članu, odnosno funkcioneru SBiH za koga se vodi postupak utvrđivanja odgovornosti, mora biti omogućeno da se lično izjasni o svim pitanjima koja su od značaja za donošenje odluke.

Član 62.

Ako utvrdi da postoji odgovornost člana, odnosno funkcionera SBiH, Sud časti može izreći mjeru upozorenja, ili donijeti odluku o isključenju iz članstva u SBiH, odnosno odluku o opozivu iz organa Stranke čiji je funkcioner.

Član 63.

Sud časti, na prijedlog predsjednika Suda, donosi pravila kojima se bliže uređuje pokretanje i tok postupka, način donošenja odluka i druga pitanja od značaja za rad Suda časti.

OPOZIV IZ ORGANA ILI TIJELA

Član 64.

Član organa ili tijela SBiH može biti opozvan iz članstva u tom organu ako:

u razumnom vremenu, ali ne kraće od šest mjeseci, neopravdano i bez prethodnog obavještenja ne učestvuje u radu organa ili tijela u koje je izabran, odnosno delegiran,

u dužem vremenu ali ne kraćem od šest mjeseci, ne izvršava prava i obaveze članova SBiH, odnosno prava i obaveze člana organa ili tijela SBiH,

Sud časti SBiH konačnom odlukom utvrdi da je član SBiH, odnosno član organa ili tijela SBiH u tolikoj mjeri povrijedio Statut, odnosno da ne izvršava preuzete obaveze ili da postupa suprotno programskoj orijentaciji i generalnoj politici SBiH, da je nedostojan članstva u SBiH, odnosno u organu ili tijelu SBiH.

Član 65.

Inicijativu sa obrazloženjima za opoziv člana organa ili tijela SBiH, može dati:

Organ odnosno organizacija SBiH koja je izabrala, odnosno organ u čijem sastavu je izabrani član SBiH.

Član 66.

Inicijativu za opoziv člana organa ili tijela iz prethodnog člana, u roku ne dužem od 60 dana razmatra Sud časti SBiH.

Član 67.

Sud časti SBiH stav o inicijativi za opoziv člana organa ili tijela dostavlja u roku ne dužem od 30 dana Izvršnoj komisiji SBiH koja donosi konačnu odluku o inicijativi za opoziv.

PRAVA I DUŽNOSTI ČLANOVA

Član 68.

Član SBiH, pod jednakim uvjetima, može postati svaki punoljetni državaljanin BiH, koji na osnovu slobodno izražene volje pismeno izjavi da prihvata Programsku orijentaciju i Statut SBiH.

Odluku o prijemu u članstvo SBiH donose organi SBiH, u okviru nadležnosti utvrđenih Statutom.

Član 69.

Organi SBiH u opštini, odnosno gradu odlučuju o prijemu članova koji imaju prebivalište na području opštine, odnosno grada.

Regionalni i kantonalni organi SBiH mogu donijeti odluku o prijemu člana koji ima prebivalište na području kantona, odnosno regije.

Središnji organi SBiH mogu donijeti odluku o prijemu članova koji imaju prebivalište na teritoriji BiH ili u inostranstvu.

Član 70.

Član SBiH ima prava i dužnosti određene ovim Statutom, a naročito:

- da bira i bude biran u organe SBiH;
- da organima SBiH podnosi inicijative, prijedloge i mišljenja o svim pitanjima, koja se odnose na ostvarivanje programske orijentacije;
- da učestvuje u predlaganju, utvrđivanju i sprovođenju generalne politike SBiH;

- da učestvuje u aktivnostima koje SBiH organizira i da izvršava obaveze koje mu povjere organi SBiH;
- da bude obaviješten o radu organa SBiH, o sprovođenju generalne politike i finansijskom poslovanju SBiH;
- da pred organima SBiH pokreće pitanje odgovornosti funkcionera SBiH;
- da, srazmjerno svojim mogućnostima, materijalno pomaže rad SBiH;
- da vrši druga prava i dužnosti u skladu sa Statutom.

Član 71 .

Prava i dužnosti utvrđene Stutom, član SBiH ostvaruje neposredno ili u okviru mjesnog ogranka, opštinske i gradske organizacije, drugih oblika djelovanja i organa SBiH.

Član 72.

Član SBiH je dužan da svojim djelovanjem i ponašanjem čuva ugled SBiH i razvija povjerenje drugih građana prema Stranci.

Član 73.

Odnosi među članovima SBiH zasnivaju se na principima demokratije, tolerancije, solidarnosti i uzajamnog povjerenja.

Član 74.

Član SBiH ima pravo na člansku iskaznicu, čiji oblik i sadržaj utvrđuje Predsjedništvo SBiH.

Član 75.

Ako član SBiH krši Statut ili djeluje suprotno programskoj orijentaciji i ciljevima SBiH, može se pokrenuti postupak za utvrđivanje njegove odgovornosti, na način utvrđen Statutom i pravilima Suda časti.

Član 76.

Članstvo u SBiH prestaje:

- izjavom člana istupanja iz SBiH;

- odlukom o isključenju člana;
- odlukom organa SBiH o brisanju člana iz članske evidencije, u slučaju kada član, duže vrijeme, neopravdano ne vrši prava i dužnosti, odnosno ne učestvuje u aktivnostima SBiH.

Član 77.

SBiH može organizovati stalne ili povremene oblike aktivnosti i za građane koji nisu članovi SBiH, ali podržavaju ciljeve i programsku orijentacije SBiH.

NAČIN OBAVJEŠTAVANJA JAVNOSTI O RADU SBIH I KORIŠTENJU SREDSTAVA

Član 78.

Rad SBiH je javan.

Javnost se ostvaruje obavještanjem sredstava javnog informisanja o politici i aktivnostima SBiH, putem saopštenja i proglasa za javnost, konferencija za štampu službenih izjava ovlaštenih funkcionera SBiH i na druge uobičajene načine komuniciranja sa javnošću (publikacije, bilteni, plakati, leci i dr.).

Član 79.

Zvanična saopštenja i podatke o politici i aktivnostima SBiH mogu davati središnji organi SBiH.

Ostali organi mogu davati javna saopštenja u okviru njihove Statutom utvrđene nadležnosti.

Član 80.

Radi zaštite podataka koji, prema važećim propisima i odlukama organa SBiH, predstavljaju službenu i poslovnu tajnu, kao i drugih podataka čija tajnost je zaštićena odgovarajućim propisima, može se, u određenim slučajevima, isključiti javnost iz rada organa SBiH.

ZASTUPANJE I PREDSTAVLJANJE SBIH

Član 81.

Predsjedništvo SBiH predstavlja i zastupa SBiH u političkom i javnom životu i pravnom prometu.

Član 82.

Predsjednik Predsjedništva ovlašten je da u pravnom prometu zastupa SBiH, bez ograničenja.

Izvršna komisija SBiH može donijeti odluku da SBiH, u pojedinim oblastima djelovanja i u pravnom prometu, predstavljaju i zastupaju i drugi funkcioneri SBiH.

Odlukom iz prethodnog stava uređuju se ovlašćenja i ograničenja lica određenih za zastupanje i predstavljanje SBiH.

NAČIN STICANJA, KORIŠTENJA I RASPOLAGANJA SREDSTVIMA SBIH

Član 83.

Imovinu SBiH čine nekretnine, pokretne stvari, novčana sredstva i imovinska prava čiji titular je SBiH.

Član 84.

Za ostvarivanje svojih ciljeva SBiH može pribavljati sredstva od članarine, dobrovoljnih priloga, poklona, zavještanja, budžeta društveno-političkih zajednica, kao i iz drugih izvora u skladu sa Zakonom.

Član 85.

Radi pribavljanja sredstava SBiH može obavljati privrednu i drugu djelatnost u skladu sa Zakonom.

Član 86.

O sticanju, korištenju i raspolaganju sredstava odlučuje Predsjedništvo SBiH.

Član 87.

Skupština bira Odbor od pet članova za kontrolu finansijskog poslovanja SBiH.

Član 88.

Odbor iz člana 83.ovog Statuta donosi pravila o načinu vršenja nadzora i drugim pitanjima od značaja za njegov rad.

Odbor svoje izvještaje o izvršenom nadzoru podnosi Predsjedništvu i Izvršnoj komisiji, svakih šest mjeseci kao i godišnji izvještaj.

Odbor svoj izvještaj o finansijskom nadzoru u SBiH, podnosi Skupštini SBiH prilikom njenog zasijedanja.

UDRUŽIVANJE U SAVEZE I DRUGE OBLIKE UDRUŽIVANJA POLITIČKIH ORGANIZACIJA

Član 89.

Radi ostvarivanja političkih ciljeva, SBiH može ulaziti u odgovarajuće oblike udruživanja sa drugim političkim strankama.

Član 90.

Pod uvjetima utvrđenim zakonom, SBiH se može učlanjivati u međunarodne organizacije, čiji ciljevi nisu u suprotnosti sa ciljevima SBiH.

Član 91.

SBiH može, u skladu sa svojim ciljevima i programskom orijentacijom, ostvarivati saradnju sa drugim političkim organizacijama u zemlji i inostranstvu i u tu svrhu osnivati zajednička, stalna i povremena tijela za međustranačku saradnju.

Član 92.

Odluku o udruživanju ili učlanjivanju u saveze i druge oblike udruživanja političkih stranaka donosi Izvršna komisija, na prijedlog Predsjedništva SBiH.

NAČIN DONOŠENJA ODLUKE O PRESTANKU RADA

Član 93.

Odluku o prestanku rada SBiH može donijeti Skupština SBiH dvotrećinskom većinom od ukupnog broja članova Skupštine, na prijedlog Predsjedništva SBiH.

Član 94.

U slučaju prestanka rada SBiH, ako Skupština SBiH prethodno nije donijela drugu odluku, imovina SBiH pripast će humanitarnoj organizaciji ili fondaciji Bosne i Hercegovine koja se stara o liječenju djece nastradale usljed ratnih dejstava.

NAČIN DONOŠENJA STATUTA

Član 95.

O izmjenama i dopunama važećeg Statuta ili o donošenju novog Statuta odlučuje Skupština SBiH.

Član 96.

Izvornik Statuta, kao i izvornike akata o izmjenama i dopunama potpisuje Predsjedavajući Skupštine SBiH.

Član 97.

Skupština SBiH nadležna je za službeno tumačenje Statuta.

Član 98.

Ovaj Statut stupa na snagu danom usvajanja na Skupštini SBiH.

Sarajevo, 12.4.2003.

Predsjedavajući Skupštine